

ՄԿՐՏԻՉ ՊԵՇԻԿԹԱՇԼՅԱՆԻ
ԵՐԻԻԾԱԿԱՆ ՄԻ ԲԱՆԱՍՏԵՂԾՈՒԹՅԱՆ ՄԱՍԻՆ

Ս. Ա. ՇՏԻԿՅԱՆ

Բանասիրական ըննության «սուրկան» Մկրտիչ Պեշիկթաշլյանի «Մխիթարեան աշակերտաց առ Միրայել վարդապետ Շէքեան, բողոք» գրաւար բանաստեղծութիւնն է. առաջին անգամ այն լույս է տեսել նրա ինքնուրույն և թարգմանական ղեղարկեստական ստեղծագործութիւնների տնդրանիկ ժողովածուում¹, որի հոստարակութիւնը, ինչպես հայտնի է, նախաձեռնել է Հովսեփ Շիշմանյան-Սեդենցը: Նկատի ունենալով այդ բանաստեղծութիւնը՝ մեզ հետաքրքրող հարցի տեսանկիւնից մեծ կարեւորութիւնը, այն մեջ էնք բերում ամբողջութեամբ:

Մխիթարեանց եմք աշակերտ,
Վարժեալք նոցուն ի դաստակերտ,
Ձի՛ղ մեղ առնես արդ դատարիւտ,
է՛ր Շէքեան դու վարդապետ:

Թէ ոչ վաստակ նոցին գրչաց
Կոփէր դանհաղթ միտս հալագեկաց
Էիր արդ դու և Պօրճոնեան,
Քեռին րարձողք ի նաւարան:

Անշուք ծնողաց ի խոր խաւար,
Տգիտութեան, իմաստիւք վառ
Փայլեն որդիքն ի դարուց դարս
Իրրու զվարսած յաստեղաց պարս:

Դաստիարակ հանուրց ազգիս,
Զսոսա միայն գիտեմք յաստիս,
Իշխես զուգեղ նոցին փայլման
Նսեմաստուե՛ր դու, է՛ր Շէքեան:

Անխժակո՛ւտ անցին յերկիր
Որք չար խօսին անկարեկիր,
Թող Կայենի առցեն բաժին,
Նորայրատեացք ի հուր մաշին:

Ցորչափ շընչեմք զօդ ի ունգունս,
Խաղալ արին մեր յերակունս,
Եւ ցորչափ դայս երգէ Պըւէտ,
Մխիթարեանք կեցցեն յաւէտ:

Բանաստեղծութիւնն ունի «15 օգոստոս, 1852» թվագրութիւնը. ի դեպ, վերոհիշյալ անդրանիկ ժողովածուում ղեկեղված Պեշիկթաշլյանի գործերից միակը, որը թիվ-թվական ունի: Ի՞նչ փոստերի հիման վրա է նշված այդ թվականը, տարաբախտաբար հայտնի չէ. ժողովածուն հրատարակութիւնն պատրաստողներն այդ մասին ոչինչ չեն ասում: «15 օգոստոս 1852» թվագրութիւնը, դարձյալ նույն՝ «Մխիթարեան աշակերտաց... բողոք» բանաստեղծութիւնն առնչութեամբ և դարձյալ Թոնաց որեւէ պատճառաբանութեան, նորից կրկնվում է Պեշիկթաշլյանի չափածո ստեղծագործութիւնների երկրորդ հրատարակութիւնն մեջ (Անյի առաջարանով)² և այսպիսով՝ այդ թվականը արդէն բաղաբացիական իրավունք է ստանում: 1904 թ. Փարիզում հրատարակվում է Արշակ Չոպանյանի կազմած և հմտալից ծանոթագրութիւններով օժտված ժողովածուն³, որն այսօր էլ պահպանում է իր հաստատուն արժեքը: Այստեղ էլ ղեկեղված է մեկ հետաքրքրող բանաստեղծութիւնը Չոպանյանի՝ տողատակում տրված արեւմտահայերէն աղատ թարգմանութեամբ հանդերձ, առանց, սակայն, վերոհիշյալ թվականի: Ինչի՞ց ենթելով է կաղմողը դուրս թողել այդ թվականը, արդյո՞ք հետեւեւ է Պեշիկթաշլյանի հատորը «անհամար վրիպակներէն մարելու» իր սկզբունքին և «15 օգոստոս 1852»-ն էլ համարել ի վրիպակ, — դժվար է ասել: Ո՛չ հատորին նախողող փոքրիկ ներածականում և ո՛չ էլ բանաստեղծութիւնն առթիվ տրված ծանոթագրութիւնն մեջ (էջ 166) այս մասին ոչինչ չի ասված, թեւ ինչպես կտեսնենք ստորեւ, Չոպանյանի մոտեցումը ճիշտ էր: Չնայած դրան, բանաստեղծի չափածո ստեղծագործութիւնների հետագա հրատարակչները⁴, հիմք բնդունելով անշուշտ 1870 թ. Պոլսի

1 Տե՛ս Մ. Պեշիկթաշլյան. Տաղք. Կ. Պոլիս, 1876, էջ 43—44:

2 Մ. Պեշիկթաշլյան. Տաղեր. Թիֆլիս, 1903, էջ 81—82:

3 Մկրտիչ Պեշիկթաշլյանի քերթվածներն ու ճառերը, ծանոթագրութիւններով հրատարակեց Ա. Չոպանյան. Փարիզ, 1904, էջ 54—55:

4 Տաղք և թատերգութիւնը Մկրտիչ Պեշիկթաշլյանի. Նյու-Յորք, 1917: Մկրտիչ Պեշիկթաշլյան. Տաղեր, կազմեց Արամ Ինճիկյան. Երևան, 1947: Մկրտիչ Պեշիկթաշլյան. Տաղեր, կազմեց Ժիրայր Ավետիսյան. Երևան, 1961 և այլն:

հրատարակությունը, նորից ու նորից կրկնել են «15 օգոստոս, 1855» թվագրությունը. մի պրն-դում, որը, սակայն, ակնհայտ սխալի արդյունք է: «Մխիթարեան աշակերտաց առ Միքայէլ զարդապետ Շէքեան, բողոք» բանաստեղծությունը թեկուզ հարեանցի կարգալիս, ակնհայտ է դառնում, որ նրա հեղինակը դեռ Մխիթարյան դպրոցի սան է («Մխիթարեան»-ը հմբ աշակերտ»), որ դեռ շարունակում է իր ուսումնառությունը նրանց մոտ («Վարժեալը նոցուն ի դաստա-կերտ») և այլն: Արդ ստույգ դիտենք, որ Մկրտիչ Պեշիկթաշլյանը Վենետիկի Մխիթարյանների Մուրատյան վարժարանն էր ընդունվել 1839 թ. օգոստոսին, և իր չորս ընկերների հետ (Անտոն Նոֆյալյան, Գեորգ Հաճիստեփանյան, Հովսեփ Ղազվեհյան և Անտոն Այանյան), առաջադիմա-թյան բարձր ցուցանիշներով, ավարտել էր 1843 թ. սեպտեմբերի 28-ին: Նշանակում է խնդրո առարկա բանաստեղծության առիթով ասվող-կրկնվող «15 օգոստոս»-ի մասին խոսք լինել չի կարող: Ամենայն հավանականությամբ այդ թվականը հիշյալ բանաստեղծության մեր հայտնի պարբերականներից որևէ մեկում հրատարակված լինելու տարեթիվն է, թեև այս կո-պակցությամբ մեր պլագատումները որևէ շոշափելի արդյունքի չհանգեցրեցին:

Պեշիկթաշլյանի ուսումնառության՝ վերևում հիշատակված ստույգ տարիները, ըննության նյութ հանդիսացող բանաստեղծության հետ կապված մի ուրիշ կարևոր ճշգրտում անելու հնա-րավորություն էլ են տալիս: Այն է. բանի որ Մկրտիչ Պեշիկթաշլյանը Մուրատյան վարժարա-նում ուսանել է 1839 թ. օգոստոս—1843 թ. սեպտեմբեր ժամանակահատվածում, իսկ «Մխի-թարեան աշակերտաց, առ Միքայէլ զարդապետ Շէքեան, բողոք» բանաստեղծությունը գրվել է նրա ուսումնառության ժամանակ, ուրեմն այն չէր կարող 1843 թ. սեպտեմբերից ուշ գրված լինել:

Բանասիրական այս փորձիկ ճշգրտումից հետո անդրադառնանք բանաստեղծությանն ըստ էության: «Մխիթարեան աշակերտաց... բողոք»-ի առաջին իսկ ընթերցումից ակնհայտ է դառ-նում, որ Պաղտատյում գտնվող Մուրատյան վարժարանի ներքին կյանքում տեղի է ունեցել ար-տաքո կարգի մի իրողարձություն, որի մեջ որոշակի բացասական դեր են ունեցել Պուշտոմ ապրող ու գործող Հովսեփ Պրոնոնյան ու Միրայել Սեբյան վարդապետները: Իրադարձությունն այնքան ուժգին է եղել, որ տրտման ու զոգոհություն է առաջացրել աշակերտների մեջ, որոնց անունից էլ Պեշիկթաշլյանը գրել է իր բանաստեղծությունը: Մեզմ, ընթերցող ու լրիկական Պե-շիկթաշլյանը, «գաղաճանելով» իրեն իրեն, հանգես է եկել շիշտակի մի բանաստեղծությամբ, դորձածելով նույնիսկ իրեն այնքան անհարիր կոպիտ ոճեր ու արտահայտություններ (հիշենք երկրորդ բառյակում Պրոնոնյանին ու Շեքեանին տրված գնահատականը, որ եթե չլինեին Մխի-թարյանները, ապա նրանք Պուշի նավամատուցում պետք է որպես բեռնակիրներ աշխատեին), իսկ Միքայել Սեբյանի աղգանջան կապակցությամբ երկու անգամ և շեշտված ձևով կրկնված «է՛ Շեքեան», «է՛ Շեքեան» բառախաղը, իո առավել բան թափանցիկ ակնարկով, գալիս է նո-րից հավաստելու մեր ասածը: Բանը նույնիսկ հասնում է ուղղակիորեն անեծք կարգաւորն (հի-շենք հինգերորդ բառյակը՝ թող անիծված գետինն անցնեն անսրտաբար շարախոսները, թող

5 «Բաղմավեպ». 1843, № 19 («Մուրատյան վարժարանին տարեկան ըննությունը»): Ի դեպ, առաջին անգամ Արշակ Չոպանյանն իր «Մկրտիչ Պեշիկթաշլյանի կյանքն ու գործը» աշ-խատության մեջ (Փարիզ, 1907, էջ 53) և ապա՝ նրա հետևողությամբ մյուս ուսումնասիրողները, արձանագրելով այս փաստը, հավելում են, սակայն, որ Պեշիկթաշլյանը Վենետիկից Պոլիս է վերադարձել վարժարանն ավարտելուց երկու տարի հետո՝ 1845 թ.: Այս կապակցությամբ ու-նենք «Բաղմավեպի» հետևյալ վկայությունը. «Կարևոր է 1843—1846 շրջանին համար նկատի ունենալ, որ Մուրատյան վարժարանի տեսչական մարմինը, որքան որ իր պաշտոնին մեջն էր ի Պագուա, բայց աշակերտները, այն ինչ ավարտած իրենց ուսումները, տարեվերջին կմեկնեին անկե» («Բաղմավեպ». 1936, էջ 548), իսկ թե՛ Չոպանյանը և թե՛ հաջորդները, 1845 թ. հավաս-տող ոչ մի փաստարկ չեն բերում: Թվում է՝ պետք է հրաժարվել այս կասկածելի 1845 թվա-կանից, որովհետև, վերևում բերված ուղղակի վկայությունից բացի, դժվար էլ է ենթադրել, թե Մուրատյան վարժարանն ավարտելուց հետո, Պեշիկթաշլյանը ամբողջ երկու տարի մնացել էր Վենետիկում, և նրա Պոլիս վերադառնալու ժամանակը համարել 1843 թ. տարեվերջը:

6 Եվ հետևաբար այն ոչ մի առնչություն չունի 1846 թ. սկզբներից Պոլսում, իր գոյությունն սկսած կրթական-մշակութային «Համագրգաց ընկերության» հետ, առավել ևս չի հանդիսանում «Ընկերության հակառակորդներին մերկացնող... երգիծական ստեղծագործություն», ինչպես այդ ներկայացրել է Վաչե Սաֆարյանը, և այդ հիման վրա էլ արել է իր ոչ ճշգրիտ եզրակացու-թյունները (տե՛ս Վ. Սաֆարյան. Մկրտիչ Պեշիկթաշլյան. Երևան, 1972, էջ 48—49):

կյանքի բաժինն արժանանան, թող կրակի մեջ մաշվեն եղբայրատյացները)։ բանաստեղծական մի վարքագիծ, որը դարձյալ, այնքան նման չէ Պեշիկթաշլյանին, մանավանդ աշակերտական տարիքում։

Արհ՝ ի՞նչ էր տեղի ունեցել Վենետիկի Մխիթարյանների Մուրատյան վարժարանում 1840-ական թթ.։

1834 թ. օգոստոսին, Պադուա Եմառանոցային քաղաքում, տասներկու աշակերտներով (Հետադաշում՝ 22), Իգնատիոս Փափազյանի տեսչությամբ և չորս ուսուցիչներով՝ իր ուսումնական առաջին տարեկրջանը սկսեց Մուրատյան Եռամյա (սկզբնական շրջանում) վարժարանը։ Ճիշտ է, հնդկահայ հարուստներ (Հագումով՝ նորջուղայեցիներ) էղուարդ-Ռափայել Ղարամյանի և Սամվել-Մկրտիչ Մուրադյանի «հրիտակով» նախորդված գումարը (1 600 000 ֆրանկ դրամագլխով) Մադրասի իրավաբանական ատյանի 1832 թ. հուլիսի 7-ի որոշմամբ արգեն Կոնստանդնուպոլսի Վենետիկի Մխիթարյան միաբանության հաշվին՝ ըստ կոնստանդնուպոլսյան միաբանության ուժերով ու սատարմամբ «հայոց ազգի աղքատ մանկանց համար դպրատուն հիմնադրելու» նպատակով, բայց ամեն ինչ շեղվեց այնպես հարթ ու հանգիստ, ինչպես որ սպասվում էր։ Կոտակի՝ ռեալ կյանքում ներդնելու կազմակերպչական եղանակների և մանավանդ ֆինանսական հարցերի կապակցությամբ կային իրավաբանական բնույթի մեկից ավելի անձինք, ձևակերպումներ, որոնք սողանքներ էին թողնում գործի հետ շառնչվող, բայց օգտվել ցանկացող կոյմնակիների համար ժառանգությունը ստանալու հարցում մեծ եռանդ ու ջանասիրություն դրսևորած՝ Մխիթարյան միաբանության պաշտոնական գործակալ Սարգիս Բեռդորյանը (մեկը, որն այդ գործերի կապակցությամբ Մադրասում նույնիսկ բանտ ընկավ՝ իր արած բազում դրականով հանդերձ, չկարողացավ համապատասխան դիվանագիտական շրջահայեցողություն և հարկավոր հետաքննություն ունենալ, մանավանդ անգլիական ֆինանսական և դատական-իրավաբանական մարմինների հետ գործ ունենալիս, որի հետևանքով, իրենց վշտահոված դրամադիսի տնօրինության հարցում «հրիտակով» անթույլատրելի սպրդումներ էին տեղի ունեցել և այլն⁷։ Հետևանքն այն եղավ, որ էղուարդ-Ռափայել Ղարամյանի ավագ որդին՝ Ալեքսանդր-Ռափայել Ղարամյանը, օգտվելով իր համար օգուտ քաղելու այն հնարավորություններից, որը հիշված անկատարությունների հետևանքով ընձեռում էր կտակը, լույսատարած արշավանք սկսեց Մխիթարյան միաբանության դեմ՝ ժառանգության հետ կապված ալեալի հարցեր հարուցելով Ավստրիական կայսրության մեկից ավելի դատարնչական և իրավաբանական հաստատությունների առջև և, ի վերջո, գործը հասցրեց մինչև կայսրության արտաքին գործերի մինիստր Կլեմենս-Վենցել Մետերնիխին (Հյուսիսային Իտալիան, ալպինք՝ Լոմբարդ-Վենետիկյան մարզը իր Վենետիկ կենտրոնով, մինչև 1866 թ. ավստրո-իտալական երրորդ պատերազմը գտնվում էր Ավստրիական կայսրության տարածքում)։ Ալեքսանդր-Ռափայել Ղարամյանը Մխիթարյաններին մեղադրում էր իր հոր կտակի գործադրման հարցում կամայականություններ անելու, կրթական հաստատություններ ստեղծելու խնդրում դիտավորյալ միակողմանիության և մանավանդ՝ նոր-նոր իր գոյությունը սկսած Պադուայի Մուրատյան վարժարանում սովորելու համար երեխաներ ընդունելիս շեշտված ձևով խորականություն հանդես բերելու մեղքը՝ «Պատմության ծանոթ է, — այս կապակցությամբ գրում էր «Բազմավեպը», — որ բարերարին մահճն հետո, անոր երեք որդին՝ Ալեքսանդր կմաշեցներ վարդապետներուն ազգանվեր սրտերը, կտակին իրագործման շուրջ իր հարափոփոխ դիտավորությամբ և աննպատարամադրություններովը Զենք ուզեք երկարել զայս. ըսենք սակայն, որ միայն Ս. Ղազարու դիվանին ծանոթ է այն տառապանքը, զոր կրած է վշտաշարժար արբահայրը (նկատի ունի Սուրիաս Սոմալյանին—Ս. Շ.), հանդերձ իր գործակից վարչությամբ ու պատվիրակներովը⁸։ Ըստ երևույթին Ալեքսանդր-Ռափայելի՝ այդ խնդրի առնչությամբ բերած փաստարկումները գուրկ չէին որոշ ճշմարտություններից, որովհետև Մետերնիխը 1840 թ. օգոստոսի 9-ին, իր կառավարության անունից, բավականին խստաշունչ նամակ-ուղերձով դիմեց Մխիթարյան միաբանության և անհապաղ պահանջեց կառավարությանը տեղեկացնել. ա) ինչ միջոցներով է ֆինանսավորվում Պադուայում իր գործունեությունը սկսած Մուրատյան հայկական վարժարանը. բ) պետական-դիվանագիտական ինչ ճանապարհներով է ստացվել վարժարանի ֆինանսավորող

7 Ավելի մանրամասն տե՛ս Ս. Թեոդորյան. Պատմություն Մուրատյան և Հայկազնեան վարժարանաց. հ. Ա, Փարիզ, 1866, էջ 69 և հտ.։

8 «Բազմավեպ». 1936, էջ 536 (Ի հիշատակ դարադարձի Մուրատ-Ռափայելյան վարժարանաց)։

դրամագլուխը և ինչու այդ մասին չի տեղեկացվել ավստրիական կառավարությանը և գ) էթն կտակով նախորդված դրամագլուխի ստացումը կատարվել է օրինական ձևով, ապա այն սահմանափակված պետք է հանձնվի ավստրիական կառավարության ֆինանսական վարչությանը, և Մխիթարյան միաբանությունը իրավունք կունենա տնօրինել այդ դրամագլուխը ոչ թե ըստ իր ցանկության ու պահանջմունքների, այլ միայն այն ձևով, ինչպես թույլ կտա Ավստրիական կայսրության կրթության վարչությունը⁹։

Դժվար չէ հասկանալ, որ Մեսերիսիսի՝ ուղտիմատումի տոնով ներկայացված պահանջները անելանելի պայմաններ էին ստեղծում ինչպես Վենետիկի Մխիթարյան միաբանության, այնպես էլ, և մանավանդ, իր գոյությունը նոր-նոր սկսած Մուրատյան վարժարանի համար։ Բրոդսկտե համալսարանի կատարելու այդ կնշանակեր իրենց վարժարանի հետ կապվող ֆինանսական, վարչատնտեսական կազմի, ուսուցչության, աշակերտների ընդունելության ու նրանց բանակի, ավանդվող առարկաների և այս բնույթի բազում այլ հարցերով դրադվել միայն և բացառապես այն բանից հետո, երբ կստացվեո ավստրիական կառավարության համապատասխան մարմնի՝ կրթության վարչության՝ պաշտոնական թույլտվությունը, ըստ որում վերջինիս վճարական ձայնի իրավունք էր վերապահված։ Իսկ սա էլ կնշանակեր, որ այնքան զովարությունը կլաներ կոչված Մուրատյան վարժարանը մեկընդմիջ՝ և վերջնականապես դնել «ուսուսու կայսերական Աստրիայ», այստեղից բխող բոլոր անցանկալի հետևանքներով հանդերձ։ Եւ Մխիթարյան միաբանությունը ղեկավարությունը, հարցը հօդուտ իրենց լուծելու ուղղությամբ կայսրության ալլեալ ղեկավարների և Մեսերիսիսի հետ կատարված երկարատև և անպտույղ բանակցություններից հետո, հանգում է տվյալ պայմանների համար միակ բանական որոշմանը, այն է՝ Պաղոտյում գտնվող Մուրատյան վարժարանը փոխադրել Ավստրիական կայսրության աշխարհագրական սահմաններից դուրս։ «Մուրատյան վարժարանի փոխադրության գաղափարը,— գրում էր Ղևոնդ Տալանը,— պաշտոնապես կծանուցվի առաջին անգամ 1843 թ. փետրվարի 6-ին գումարված Ս. Ղազարու վանական ժողովին մեջ։ Ատենադպիրը կդրե. «Ի վանական ժողովի միաբան քվեարկությանը» կնախընտրեն «փոխադրել զվարժարանն Մուրատ, ի տեղումն էն Աստրիայ, բան թէ տալ զհաշի համարով մատակարարությունն վարժարանին»։ Գոր պահանջել տեղությունն և կորուստն և զազատություն մեր»¹⁰։

Այսպես ուրեմն, 1843 թ. փետրվարի 6-ից բալորին, այդ թվում նաև Մուրատյան վարժարանի աշակերտներին, հայտնի էր դարձել կոթակալ այդ հաստատությունը Պաղոտյան փոխադրելու մասին Մխիթարյան միաբանության ղեկավարության որոշումը։ Հիշենք, որ նույն ալի 1843 թ. Մկրտիչ Պեղիկյանը սովորում էր Մուրատյան վարժարանի վերջին՝ ավարտական դասարանում, որը, ինչպես ասացինք, նա ավարտեց այդ թվականի սեպտեմբերին։

Պեղիկյանի վերահիշյալ բանաստեղծության սշխարհ գալու հետ առնչվող հարցերի մյուս համախումբը սկսվում է դարձյալ 1840-ական թթ. և սկզբնապես կապվում է այդ թվականներին Պոլսի հայկական կաթոլիկ համայնքում իր գործունեությունն սկսած Հովսեփ Պորճոնյան վարդապետի հետ։ Սազումով Սեբաստիայի Բրգնիկ դյուղից, նախնական կրթությունն իր ծննդավայրում, ապա Լիբանանի Անտոնյան կաթոլիկ միաբանության դպրոցում ստացած այս անձնավորությունը 1835 թ. աշխատանքի է անցնում Պոլսում և իր աշխույժ, աչքաբաց վարքագծի շնորհիվ շուտով կարողանում է դառնալ պոլսահայ կաթոլիկ համայնքի նկատելի դեմքերից մեկը։ Մեզ համար կարևորն այն է, որ Հովսեփ Պորճոնյանի մասին խոսելիս նրան սչտապես ողակել են որպես «պրություններու (իմա տեսությունների—Ս. Շ.) տեր հոգևորական», որպես «մտքի մարդ մը» և նույնիսկ որպես «փիլիսոփա»¹¹։ Հաստատվելով Պոլսում, Պորճոնյանը լայն հնարավորություն է ունենում դարգացնելու իր «գրությունները», իսկ որովհետև պոլսահայ կաթոլիկ համայնքի առավել օրթոդոքս թևը արդեն սկսել էր ձևավորվել որպես ինքնուրույն հասարակական միավոր (որը հետագայում, երբ Անտոն Հասունյանն ընտրվեց նրանց հոգևոր առաջնորդը, ստացավ «Հասունյան կուսակցություն» անվանումը), ի տարբերություն մյուս, համեմատաբար չափավոր կաթոլիկների (որոնք էլ հետագայում պետք է կազմեն «Հա-

⁹ Ս. Թեոդորյան. նշվ. աշխ., հ. Բ. Վենետիկ, 1866, էջ 39—43։ Ս. Արծրունի. Սամվել Մուրադյանի կտակի խնդիրը. Թիֆլիս, 1879, էջ 139։

¹⁰ Ղ. Տալան. Համալսարաններ հարյուրամյա շրջանի Մխիթարյան դաստիարակներու գործունեության. Վենետիկ, 1937, էջ 21։

¹¹ Տե՛ս Հ. Պորճոնյան. Քանի մը մտերմական խորհրդածություններ. Պոլիս, 1853, էջ 35։

առաստնյան կուսակցությունը), ապա Պորճոնյանի «գրությունները» ուղադրության ու համակրանքի արժանացան:

Անդրադառնանք Ռճայազդի հոռմեադավան պարմանիների ուսումնառության խնդրին, որը Պորճոնյանի համար առանցքային հարցերից մեկն է, և որն իր սուր ծայրով առաջին հերթիս ուղղված է Վենետիկյան Մխիթարյանների Մուրատյան վարժարանի դեմ, Պորճոնյանի «գրությունը» այս կապակցությամբ հետևյալն է. Մուրատյան վարժարանը, իր գոյության առաջին իսկ օրվանից սկսած, պետք է ունենար խիստ որոշակի հոգևորական ուղղություն և միանշանակ կոնկրետ նպատակներ, այսինքն՝ նա պետք է լիներ միայն և բացառապես կրոնական-կաթոլիկական դպրոց: Նա պետք է գրադվեր ընդամենը կաթոլիկ հավատի «մյուզիոնարներ» պատրաստելով, որոնք «առաքելվելով» կովկասի. Կենտրոնական Ասիայի, Միջին և Մերձավոր Արևելքի այլևայլ երկրները, պետք է գրադվին «ուղղափառ կաթոլիկ հավատը» այդ երկրների ժողովուրդների մեջ տարածելու գործով: Սակայն պարզվում է, որ Մուրատյան վարժարանը «խոտոր-խոտորյալ երթա» Հովսեփ Պորճոնյանի պատկերացրած այս ուղուց: Հենց սկզբից իսկ այնտեղ դասավանդում են այնպիսի «ոչինչ գիտություն», ինչպիսիք են հայ ժողովրդի հին և նոր պատմություն, ազգային դասական և ժամանակակից լեզուներ, հայ գրականություն, հայկաբանություն, երգեցողություն, որի ժամանակ աշակերտներին որոշակի և կայուն հետևողականություն սովորեցնում են հայկական երգեր և այլն: Այդ բոլորը, տհաճությամբ նկատում է Պորճոնյանը, արվում է «ուղղափառ ամենասուր կրոնի հետ կող ի կողին» և, որ նրա համար ամենից ավելի սարսափելին է՝ կաթոլիկական զաղափարաբանություն ուսուցանող կրոնադիտությունը միանգամայն հավասար է «բնավին ոչ երբեք արտահանելի և մանավանդ վերադասելի» վիճակում է գտնվում մյուս առարկաների նկատմամբ: Բնականոն հետևանքն այն է լինում, որ Մուրատյան վարժարանի շրջանավարտների մեջ անվերապահորեն սկսում է դերիշխույթ աղյուսներ, հայրենասիրական, հայկական, այնինչ այն պետք է պարզապես չլիներ, լավագույն դեպքում՝ ստորադասված լիներ «ուղղափառ կաթոլիկ հավատին»: Այս էլ իր հետ բերում է մյուս անցանկալին. վարժարանի շրջանավարտները, փոխանակ ավարտելու որպես կաթոլիկ հավատի գործիչներ, ավարտում են որպես հայագետներ, լեզվաբան-բանասերներ, իրենց հայրենիքին ու ազգությանը նվիրված ծագայիններ» և հիմնականում հենց այդ էլ համարում են իրենց գործունեության նպատակը. մի բան, որն «ուղղափառ» Պորճոնյանի կարծիքով գրեթե մոռեսում էր հանցագործությունը «Տեսաբանի» եզրակացությունն այս կապակցությամբ առավել քան որոշակի է: Պաղուայի Մուրատյան վարժարանը կամ պետք է հիմնովին վերակառուցել, հանելով այն բոլոր առարկաները, որոնք նպաստում են աշակերտների մեջ ազգային-հայրենասիրական արամադրությունների դադարեցմանը, կամ (Պորճոնյանն այս վերջինն ավելի ճշմարտացի է համարում) այն պարզապես պետք է փակել¹²:

Մենք այստեղ ընտելության շենք առնելու Պորճոնյանի վերորերյալ «գրությունը», որովհետև իր մոլեռանգությամբ այնքան է ակնառու, քիչ ինքն արդեն խոսում է իր մասին. նշենք միայն, որ «հոսագալում, երբ պատրիարք դարձած Անտոն Հասունյանը, ի թիվս այլոց, պայքարի դրոշ պարզեց նաև Սխիթարյանների դեմ, իր զաղափարական գինանոցում, գրեթե բառացի ճշգրտությունով, ունենալով Պորճոնյանի հենց այս տեսակետներն ու կարծիքները: Սակայն այս «գրությունը» իր ժամանակին, ինչպես արդեն ասացինք, ունեցավ իր համակիրներն ու հետևողները, չափոսեց տարածողներն ու տարփողողները, որոնց թվում, որպես առաջիններից մեկին, պետք է հիշել մի այլ կաթոլիկական մոլեռանգ գործիչ, Միքայել Շեքյան վարդապետին: Ծնունդով ամենայն հավանականությամբ պոլսեցի, Շեքյանն էլ, նախորդի նման, իր նախնական կրթությունն ստացել էր Լիրանում, ապա դարձել էր Լիրանի Զմմառի հայ կաթոլիկ վանքի միաբան: 1830-ական թթ. քահանայապետության համար նա արդեն Պոլսում էր, և Պորճոնյանի նման կարողացել էր դրսևորել իրեն որպես հայ կաթոլիկ հասարակության ամենածայրահեղ թևի ներկայացուցիչներից մեկը: Գաղափարական այս հենքի վրա էլ, անշուշտ, ստեղծվում է նրանց գործունեության ընդհանրությունը, և Շեքյանը շուտով դառնում է Հովսեփ Պորճոնյանի, մասնավորապես Մխիթարյաններին ու Պաղուայում գտնվող նրանց կրթական հաստատությունը վերաբերող «գրության» ջեռմ պաշտպանը (հիշենք Պեշիկթաշլյանի բանաստեղծության առաջին

¹² Տե՛ս նույն տեղում, էջ 42—50, 62—64:

քառյակի՝ «Զի՞ն՝ դմեզ առնես արդ զատափետ, է՞ն՝ Շեքեան դու վարդապետ» տողերը)։ Շեքյանի «գաղափարական» գործունեությունը, իր առավել քան ամբողջացված ձևով, հանդես է գալիս հետագայում, երբ Անտոն Հասունյանը «պատրիարքական իշխանությունը ձեռք ձգեց, որուն հոգով լափ կփափագեր, իր խորհուրդներուն կատարմանը համար»¹³, այսինքն՝ պաշտոնապես իր վրա վերցրեց այդ հայացքների պաշտպանությունը։ Հիշենք, որ նույն թվականին էր, որ Մխիթարյանների և նրանց Մուրատյան վարժարանի դեմ իր գործունեությունն էր ծավալել Ալեքսանդր-Ռափայել Ղարամյանը և նրա հրահրմամբ՝ Մետերնիխը Ըստ որում, եթե առաջին դեպքում խոսքը վերաբերում էր Գինեանական-տնտեսական հաշիվներին և այդ ասպարեզում թույլ տրված անճշտություններին, ապա այս դեպքում մեղադրանքները հասարակական-գաղափարական հենք ու նպատակաուղղվածություն ունեն։ Երկու մեղադրող կողմերը հեշտությամբ գտան իրար, լրացրին մեկը մյուսին և պայմանավորեցին մեկը մյուսով, դրա հետևանքով ափսոսանքով միաձուլվեցին ամբողջական, հետևարար ավելի վտանգավոր դարձան։ Այսպիսի միասնական ճակատի դեմ թե՛ Մխիթարյան միաբանությունը և թե՛ Մուրատյան վարժարանի ղեկավարությունը ստիպված եղան տեղի տալ...

Առաջին հարվածը հասավ Մուրատյան վարժարանի տեսուչ Սարգիս Թեոդորյանին, որը, վարժարանի դոյուքությունը իր տեղում պահելու, Պորժոնյան-Շեքյան և այլ հակառակորդներին ըստ արժանիության հակահարված տալու բնագավառում առանձնապես սկզբունքային էր դրսևորում իրեն։ 1837 թ. փետրվարի 10-ին, ստանձնելով վարժարանի տեսուչի պաշտոնը, Թեոդորյանը նոր ուժով ու թափով է շարունակում պայքարը, կովի հորձանապետությամբ մեջ ընդգրկելով նաև վարժարանի քիչ ավելի ձեռնհաս աշակերտներին։ Ինչպիսի ձևեր ու դրսևորումներ է ունեցել այդ պայքարը, մանրամասնությամբ չդիտենք, այսքանն է միայն հայտնի, որ դրա հետևանքը վճռական եղավ հենց իր՝ Թեոդորյանի համար։ 1843 թ. հոկտեմբերի 25-ին նա ազատվում է տեսչի պարտականություններից՝ մեղադրվելով իրեն վստահած աշխատանքները անակնկալ և անհաճո եղանակով կատարելու մեջ¹⁴։

Հաջորդ «պատժվոր» եղավ վարժարանի աշակերտների սիրելի ուսուցիչներից մեկը, «հայտնի մանկավարժ և դրամատուրգ», «իր աշակերտներեն պաշտված» Պետրոս Մինասյանը, իսկ Պեշիկթաշլյանով զբաղվող յուրաքանչյուր ոք, սկսած Արշակ Զոպանյանից, անվերապահորեն արձանագրել է այն հանգամանքը, որ Պետրոս Մինասյանը որոշակի դեր է կատարել Պեշիկթաշլյան դրամատուրգի, Պեշիկթաշլյան բանաստեղծի, Պեշիկթաշլյան մշակութային գործչի և նույնիսկ Պեշիկթաշլյան մարդու՝ որպես այդպիսին ձևավորվելու ու հասունանալու գործում։ 1839 թ. օգոստոսի 30-ին, այսինքն այն ժամանակվանից, երբ, ինչպես տեսանք, Պեշիկթաշլյանը դարձավ Մուրատյան վարժարանի սան, Պետրոս Մինասյանը ստանձնում է նույն Մուրատյան վարժարանի ուսումնապետի և գրականություն ուսուցչի պարտականությունները, որոնք, ի դեպ, նա վարում էր մեծ բարեխղճությամբ ու եռանդով։ Ոչ պակաս եռանդով սակայն ձախակցելով վարժարանի տեսուչ Սարգիս Թեոդորյանին, նա հանդես էր գալիս պաշտպանելով տեսչի տեսակետները՝ հօգուտ վարժարանի և ընդդեմ նրա հակառակորդների և այս էլ, ի վերջո, վճռեց նաև նրա ճակատագիրը։ Իր ուսուցչական գործունեությունը վարժարանում շարունակելով շուրջ վեց տարի, Պետրոս Մինասյանն էլ շուտով մեղադրվում է որպես «կասկածավոր» և ազատվում «աշխատանքից», մի բան, որի մեջ արդեն որոշակի էր Հովսեփ Գորձոնյանի ստոր դերը։

Իրենց սիրելի ուսուցիչներին և մանավանդ Պետրոս Մինասյանին հեռացնելուց հետո պետք է ծայր առնեին աշակերտական խռովությունները։ Պաղուայի Մուրատյան վարժարանում տեղի ունեցած աշակերտական, բավականին նշանակալից բնույթ ունեցող, խռովությունների մասին ակնարկում են հենց իրենք՝ Մխիթարյան հեղինակները, թեև, հասկանալի պատճառով, ոչ այնքան մանրամասնորեն։ Բոլոր աղբյուրներն էլ խռովությունների սկիզբը դնում են միևնույն ժամանակը, այն է՝ 1843 թ. փետրվար։ Գիտենք արդեն, որ դա այն ժամանակն էր, երբ աշա-

¹³ Հ. Ա ս կ ե ռ յ ա ն, Հասունյան բաղաբանություն, Տիգրիս, 1868, էջ 58։

¹⁴ Ս. Թեոդորյան, Պատմություն Մուրատյան վարժարանին... հ. Ա, Փարիզ, 1857։ նույնի՝ Պատմություն Մուրատյան և հայկազնեան վարժարանաց. հ. Բ, Վենետիկ, 1866, էջ 28—38։

կերտներն իմացան, որ որոշված էր իրենց վարժարանը Պաղուա քաղաքից փոխադրել Փարիշ, և դա այն ժամանակն էր, երբ Պեշիկթաշլյանը ուսանում էր վարժարանի ավագական դասարանում: Իսկ այս հանգամանքը, Մուրատյան վարժարանի աշակերտների խռովության փաստը նորանոր տվյալներով համալրելուց բացի, մեզ համար կարևոր է նաև հետևյալ առումով: Քանի որ աշակերտական խռովությունները ծայր էին առել 1843 թ. ինտրվարից, իսկ Պեշիկթաշլյանը վարժարանը ավարտել է նույն թվականի սեպտեմբերին, հետևաբար «Մխիթարեան աշակերտաց, առ Միրայի վարդապետ Շէքեան, բողոք» բանաստեղծությունը պետք է գրված լինի 1843 թ. փետրվար-սեպտեմբեր ամիսների ընթացքում և ուրեմն 15-ամյա Պեշիկթաշլյանի առաջին լավածո ստեղծագործություններից մեկն է, թերևս դրական երախայրիքը:

Վերևում ասվածից հետո արդեն հասկանալի է դառնում Պեշիկթաշլյանի վերոհիշյալ բանաստեղծության ամբողջ ենթադրադիրը: Հասկանալի է դառնում, թե աշակերտների ո՞ր խմբի անունից էր հանդես գալիս տասնհինգամյա բանաստեղծը, ինչո՞ւ էր նրա խոսքի սուր ծայրն ուղղված Վենետիկի Մխիթարյան միաբանության հետ անմիջական կապ չունեցող Պորճոնյան և Երզյան վարդապետների դեմ, որո՞նք էին ուսանողական-ասարակական բնույթի այն ներքին շարժառիթները, որ այդ բանաստեղծության «ձեռնդր» պատճառը հանդիսացան և այն. հեռավարների, որի մասին առ ուշաօր ոչինչ հայտնի չէր:

Ի՞նչ դեր է կատարել բանաստեղծությունը վարժարանի հետ առնչվող դեպքերի վերահիշյալ շրջանում, արդյո՞ր որևէ ազդեցություն կամ հետևանք է թողել հոգուտ կամ ի վնաս պայքարող այս կամ այն կողմի, դժվար է ասել: Մի բան, համենայն դեպս, որոշակի է. հակառակորդ կողմը ի վերջո կարողացել է հաղթանակի հասնել: 1843 թ. սեպտեմբերից, այսինքն այն ժամանակվանից, երբ Մկրտիչ Պեշիկթաշլյանն ու իր շորս ընկերները ավարտեցին Մուրատյան վարժարանը, վերջինս դադարեցրեց իր գոյությունը: Եվ չնայած քիչ ջանքեր ջրափվեցին կրթական այդ հաստատությունը նորից վերակենդանելու համար, չնայած այն բանին, որ «ողի ի բոխն» աշխատում էր միաբանության արբանյակ Սուրբաս Սոմալյանը, բայց ամեն ինչ անօրու անցավ: Պաղուայի Մուրատյան վարժարանը վերսկսեց իր կրթական-մանկավարժական գործունեությունը շորս տարի հետո, 1847 թ. աշնանը, արդեն Նրանսիայի մայրաքաղաք Փարիզում և բոլորովին այլ պայմաններում¹⁵:

Այս բոլորից հետո հնարավոր է, որ Պեշիկթաշլյանի «Մխիթարեան աշակերտաց, առ Միրայի վարդապետ Շէքեան, բողոք» բանաստեղծությունը շտապար գրական-հասարակական այն մեծ հնչեղությունը և հետևաբար՝ այնպիսի մեծ հետաքրքրություն չհարուցեր ինչպես այն ժամանակ, այնպես էլ հետագայում, եթե մի բանի տարի անց, նշանակալից մի եղելություն նոր լիքը ու ընթացքը չհաղորդեր դեպքերին, այն է՝ «Պատասխանի առ քերդող» խորագիրը կրող սրբաբան բանաստեղծությամբ Պեշիկթաշլյանի հիշյալ գործին ի պատասխան հանդես եկավ Ղևոնդ Ալիշանը:

Այն հանգամանքը, որ Ալիշանը իր ժամանակին մի բանաստեղծություն է գրել, կապված Պեշիկթաշլյանի հետ, բանասիրությանը հայտնի էր դեռ վաղուց, թեև նրա գոյության բուն շարժառիթը մնում էր անհայտ: Պեշիկթաշլյանով մանրակրկիտ զբաղված Ա. Զոպանյանը այս կապակցությամբ հետևյալն է գրում. «Ալիշանին քերթվածը սակայն... պատասխանն ըլլալու է նամակի մը, զոր Պեշիկթաշլյանը գրած է Ալիշանին. դժբախտաբար չկրցանք ստուգել, թե ինչ ինքրո առթիվ է, որ Պեշիկթաշլյանը դիմած էր Ալիշանին»¹⁶: Բանասերի թեական տոնով հայտնությունը կարծիքը ինքն արդեն խոսում է իր անհաստատ լինելու մասին, իսկ Ալիշանի հիշյալ բանաստեղծության հանդամանալից ընթությունը անվերապահորեն բերում է միայն մեկ եզրակացության, որն արդեն ասացինք, այն է՝ Ալիշանը պատասխանել է Պեշիկթաշլյանին:

Ի՞նչն է մեզ հիմք տալիս նման եզրակացության համար:

Առաջինը արդեն, ու գրելով իր կրթող ու հախուռն բանաստեղծությունը, Պեշիկթաշլյանը շատ էլ մեծ ընտրություն չի դրել գեղարվեստական արտահայտության ձևերի մեջ. հասնելով

¹⁵ «Բազմավեկ» 1847, N 23 (Հանդես հարցաքննության Մուրատյան վարժարանին):

¹⁶ Ա. Զոպանյան. նշվ. աշխ., էջ 164:

նույնիսկ իր հակառակորդներին անկեղծորդ դատաւարտելու աստիճանին (տե՛ս բանաստեղծութիւններ 5-րդ քառյակը): Ալիշանի «Պատասխանի առ բերդող» բանաստեղծութեան մեջ կարդում ենք.

Զկարկրտածուս ըզմէ՞ սպաննաս կրոկլտել ծոցս ամպրոպաց,
Եւ ո՞ր ուսար անկծր կարդալ և օրհնութիւն պահանջել:

Դժվար չէ նկատել, որ ալիշանյան այս տողերը ուղղակի պատասխան են Պեշկիթաշլյանին: Կամ, հաս «Պատասխանի առ բերդող» բանաստեղծութեան հետևյալ տունը.

Թեւ ի թիկունս, թեւ ի թիկունս, դարձիր յայլերս հեզանալ,
Անդ սրլացիր, անդին թրոխր ու մորկաց երթ փախիր:
Այլ ուստի՞ քեզ իդծ երգոց թուղաղաշնակ ի բնարէ,
Ի հուրաստան ասպարիդի մեծողիդ զի՞նչ պետք կալծից,
Մը ձայնախոգ խնից խմբից լիցիս երգով բողբոջի¹⁷:

Ծիւ միայն նկատի ունենանք բանաստեղծութեան վերջին տողը, որտեղ Ալիշանը նշում է «բողբոջի երգը» (հիշենք, որ Պեշկիթաշլյանի բանաստեղծութեան վերնագիրն էր «Մխիթարեան աշակերտաց առ Միքայէլ վարդապետ Շէքեան, բողբոջ»), ապա այս ղեկարում էլ բերված տունն այնքան օրոշակի է, որ այլևայլ մեկնարկներով չեն կարող հնարաւոր լինել:

Համաձայն մի քանի փաստեր էլ կրեւորն ստորեւ, Ալիշանի հիշյալ «Պատասխանի առ բերդող» բանաստեղծութեան վերլուծութեան կապակցութեամբ, իսկ այդ վերլուծությունն անկախ առավել քան անհրաժեշտ է, որովհետեւ դրանով մի տեսակով ամբողջական է և Պեշկիթաշլյանի «Մխիթարեան աշակերտաց...» բանաստեղծութեան հետ առնչվող խնդիրները:

Ղեկնու Ալիշանն իր բանաստեղծությունը գրել է այն ժամանակ, երբ նա արդեն մի քանի տարի էր, ինչ պաշտոնավարում էր Մխիթարյան միաբանության մյուս՝ Ռաֆայելյան աղդային վարժարանում որպէս պատմություն և բարոյականություն առարկաների ուսուցիչ, շուրջ մեկ տարի էր, ինչ վարում էր այդ վարժարանի տեսուչի պարտականությունները, և այդ բոլորի հետևանքով արդեն կարողացել էր նվաճել բանիմաց մանկավարժի և իր աշակերտների կողմից ջերմորեն սիրված ուսուցչի համարումը: Եւ արդեն հեղինակ էր ոչ քիչ թվով գոաբար բանաստեղծությունների, որոնք կարդացվում էին Միաբանության ներսում տեղի ունեցող զանազան հանդիսությունների ժամանակ, որոնցից մի քանիսն էլ հրատարակվել էին Մխիթարյան միաբանության պատրաստած «Իսղամալեպի» էջերում և արժանացել էին տարեկից և ավագ հայրերի զրկատուական գնահատականին: Դրանով հանդերձ՝ նա միանգամայն օրինավոր Մխիթարյան էր, ըստ ամենայնի նախանձախնդիր Միաբանության ներքին կարգապահութեան պահպանմանը, և բնականաբար, անդիշում հակառակորդն այն ամենի, ինչ այդ տեսանկյունից կարող էր գեթ փոքր չափով խափանալ իսկական իսլամական «Մխիթարա տան» հնուց անտի հաստատված «անստերյուր ընթացքին»: Ուստի հասկանալի է, որ Մուրատյան վարժարանում ծայր առած աշակերտական խռովությունները և մանավանդ Մկրտիչ Պեշկիթաշլյանի «ընթացքը» ամենեւին էլ չէին կարող դուր գալ կարգապահներ և օրինապահ Ալիշան վարդապետին: Այս հանգամանքն էլ, ահա, «լիցքավորել է» Ալիշանին, հանդես գալու համար վերոհիշյալ «Պատասխանի առ բերդող» բանաստեղծությամբ:

Ավելի հանգամանալից լինելու համար նշենք, որ նման՝ Մխիթարյան գրականագետների բառով ասած՝ «դիմողական» բնույթի ստեղծագործությունները ամենեւին էլ հազվագյուտ չեն Ալիշանի ստեղծագործական կյանքում: Նշվում է, օրինակ, միաբանության անդամ Դավիթ Զերմակյանի քահանայութեան հոբելյանը, և Ալիշանը հանդես է գալիս երկու բանաստեղծությամբ («Ի յոբելեան քահանայութեան հօր իմոյ հոգևորի» և «Ի յոբելեան քահանայութեան»), Դևորք Հյուրմուզյանը ընտրվում է միաբանության արքայադուռ, և այս առիթով «Ի նորընծայ գահակալ Մխիթարալ...» բանաստեղծությամբ Ալիշանն իր հիացմունք է հայտնում, և այլև՛:

17 Ղ. Ալիշան. Նուագր. հ. Բ, Վենետիկ, 1857, էջ 52—53:

18 Նույն տեղում, էջ 22 և հտ.:

Ալիշանի «դիմողական» բանաստեղծությունները կառուցված են գրեթե նույն ձևով, լեզվաոճական նույն հնարաններով, հաճախ միեւնույն ոճի, կամ գեղարվեստորեն լավ գտնված պատկերի կրկնությամբ, սակայն բոլորովին էլ այդպիսին չէ քննարկվող «Պատասխանի առ քերդող» բանաստեղծությունը։ Այստեղ Ալիշանը, Պեշիկթաշլյանի նման, «դավաճանել է» ինքն իրեն և հանդես է եկել մի բանաստեղծությամբ, որը կտրուկ տարբերվում է իր իսկ «դիմողական» ժանրի մյուս դորժերից և այսպիսով դառնում է ինքնատիպ երևույթ Ալիշանի ողջ պոեզիայում։ Ամբողջ բանաստեղծության մեջ խոսողը՝ խիստ ու սլահանջկոտ, բայց և հոգատար ուսուցիչն է, որը հորդորելով ու բացատրելով, իսկ ոչ սակավ դեպքում՝ նաև կշտամբելով, «մշակում է» զանցանքներ թույլ տված իր շարաճճի սանիկին, մեկ առ մեկ մատնացույց անելով նրան իր արարքի վտանգավորությունը և նշում է այն ճանապարհը, որը ավելի ճիշտ ու տրամաբանական է նրա համար։ Իսկ անհնազանդ սանիկի սխալը, րստ Ալիշանի, ծնվել է այն բանից, որ՝ «Յանդրագոչնս քան դբեղ հանդդնեցար, պարմանի»։

Մեղադրանքի ներքին բովանդակությունն, այսպիսով, արդեն հասկանալի է. «պարմանին» հանդգնել է անել ավելին, քան իրեն թույլատրվում է, հանդգնել է դուրս գալ Միաբանության կյանքում վաղուց սրբազործված ու անբեկանելի համարվող ներքին օրենքների դեմ։ Այդպիսի հանգանքի համար անհնազանդ սանիկին կարող են ուստմել, ասենք՝ ներման չի կարող արժանալ նաև տարեղը։ Ալիշանը քաջ գիտե այդ, բայց գիտե նաև, որ ինքը գործ ունի բանաստեղծի քանքարով օժտված մի պատանու հետ։ Հենց այն հանգամանքը, որ նա, իր բանաստեղծության մեջ Պեշիկթաշլյանին է դիմում «քերդող» բառով, ցույց է տալիս, որ Ալիշանը շատ լավ գիտե իր «պարմանու» պոետական կարողությունները։ Այդ է պատճառը, որ մանկավարժ Ալիշանը, պատանուն կշտամբելուց հետո, միաժամանակ հոգածու կերպով մատնանիչ է անում աշի ուղին, որով պետք է ընթանա Պեշիկթաշլյան բանաստեղծի հետագա զարգացումը, պետք է բանաստեղծել, ոչ թե մի խումբ խեղճի ձայնավողը դառնալով, ոչ թե գրել գործեր, որոնք թուլանվազ քնարին բնորոշ արտադրանքներ են, այլ ստեղծագործել՝ հիմք ունենալով Մասյաց դարավանդներն ու նրա շուրջը գտնվող դուցազուններին, պետք է երգել հայրենիքի հին սրբաբանների փառաբանող երգեր, գովերգեր՝ «աստեղաչկունք» հայկազուններին ու նրանց սրբաբանները, երգեր հյուսել «Լոռաթևյանը» քաջաբար օգտագործած նահատակների վերաբերյալ և այլն.

Մերթ ի Մասեաց դարևանդ, առ ստորոտով մերթ նորին,
Երգեցեր երգ դիւցազանց, երգ հայրենի, երգ գորով.
Անդ շարժեսցին ճապուկ ձրգանք ձեռաց լանդուլ երգարան,
Եւ թէ ներկուռ երաժշտաց խոնջին ստեղծունբ հնգածղի,
Կաղամախեաց եւ հանգուլ կախ դալարագեհստն ըզբազկաց
Տատանեսցին հայկեան բամբուռնք ի սոյլ հողմոյ հայրենոյ...
Անդ համօրէն պար բոլորեալ առաքինի հայութեան
Անկցէ զձեռք դաս առ դաս հուր նոր շնչել ի ձեզ հայրենի:

Այս է Ալիշանի պատգամը և որոշակի պահանջը պատանի Պեշիկթաշլյանից, այսինքն՝ այժմյան ոճով ասած՝ անցնել պատմական թեմատիկայի։ Ի դեպ, այս պահանջը հարուցվում է ոչ միայն Պեշիկթաշլյանի նկատմամբ, այլև բոլոր երիտասարդ ստեղծագործողներին, որոնք՝

Ապուլովեան կապարճ ի յուս՝ մանկունք քերդողք աղեղանց,
Ամենուրեք ձեզ նպատակք, ելե՛ք կայտառք դուք ի յորս:

Պատմական թեմատիկան ստեղծագործության նյութ դարձնելու Ալիշանի խրատ-հանձնարարականի արձագանքները, մասնավորապես Պեշիկթաշլյանի կապակցությամբ, որոշակիորեն ակնհայտ են դառնում, երբ քննում ենք վերջինիս գեղարվեստական ստեղծագործությունները. Այստեղ կրոնական («Նուագ ի մահն Յիսուսի», «Ի բերանոյ մանկան առ պաշտպանուհին»), էպիտաֆիկ («Տապանագիր վաղամեռիկ մանկան», «Ի տարածամ մահ Գաբրիելի Երամյան»), իր ժամանակի հուզող հարցերին նվիրված («Եղբայր եմք մեք», Զեյթունի հերոսամարտին

նվիրված շարքը, «Գրչեր») և որիշ՝ այս նպատակաուղղվածությունն անհրաժեշտ էր թյունների կողքին, ամենևին էլ փոքր մաս չեն կազմում «Ի նահատակութիւն Վարդանանդ», «Երգ Հալիների», «Հրաւիր ի մարտ խոստովութիւն», «Զբօսանք Արաւշէտի տաղներ» և նման բանաստեղծությունները, որոնց նյութը, ինչպես արդեն երևում է նույնիսկ վերնադրերից, հայ ժողովրդի պատմական անցյալի հերոսական դրվագներն են: Փաստն այնպիսին է, որ ինքն արդեն խոսում է իր ստան և համապատասխան բացատրությունների կարիք չունի:

Պեշիկտաշյանի մեկ բանաստեղծության, վերոհիշյալ «Մխիթարեան աշակերտաց, առ Միսառ: Վարդապետ Շէրեան, բողոք»-ի գրական-բանասիրական այս վերլուծությունը, կարծում ենք, հետաքրքրական և ուշագրավ նոր կողմեր է բացահայտում:

ОБ ОДНОМ САТИРИЧЕСКОМ СТИХОТВОРЕНИИ МКРТИЧА ПЕШИКТАШЛЯНА

С. А. ШТИКЯН

Резюме

Сатирическое стихотворение М. Пешикташляна «Протест учеников-мхитаристов к монаху Микаэлу Шекияну», датированное 15-м августа 1852 года, впервые было издано в посмертном сборнике поэта «Напевы» (1870 г.). В статье доказывается, что на самом деле оно было написано в феврале—сентябре 1843 года. Анализируется общественно-политическая ситуация, предшествующая написанию стихотворения, а также довольно неблагоприятная деятельность Микаэла Шекияна в отношении учеников-мхитаристов школы «Мурадян». Стихотворение получило широкую известность еще и потому, что вскоре с «ответом поэту» выступил Гевонд Алишан. Он подверг строгой критике Пешикташляна за допущенные им «погрешности» и заботливо указал тот путь, которым, по мнению Алишана, должно развиваться дальнейшее творчество Пешикташляна.